



**ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԳԵՂԱՐՔՈՒՆԻՔԻ ՄԱՐԶՊԵՏԻ ԱՇԽԱՏԱԿԱԶՄ
ԳԼԽԱՎՈՐ ՔԱՐՏՈՒՂԱՐ**

ք. Գավառ, Կենտրոնական հրապարակ N7

Հեռ. 060650035

Կայքը gegharkunik.mtad.am

Էլ. փոստը gegharkunik@mta.gov.am

N 02/0520

191 -----2024թ.

«ԼԻԴԵՐ ՔՆՍԹՐԱՔՇՆ» ՍԱՀՄԱՆԱՓԱԿ
ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
ՏՆՕՐԵՆ՝ Կ. ՑՈՒՑՈՒԼՅԱՆԻՆ
/Էլ. hwugt_lider.construction@bk.ru/

Ծ Ա Ն ՈՒ Ց ՈՒ Մ

Պայմանագիրը միակողմանի (մասնակի) լուծելու մասին

Հարգելի՛ պարոն Յուզույան

«Գեղարքունիքի մարզպետի աշխատակազմի (Պատվիրատու) և «Լիդեր Քնսթրաքշն» սահմանափակ պատասխանատվությամբ ընկերության (Կապալառու) միջև 2023 թվականի սեպտեմբերի 19-ին կնքված N ՀՀ ԳՄ ԳՀԱՇՁԲ-2023/02 ծածկագրով կապալային աշխատանքների կատարման պետական գնման պայմանագրի 1.1 կետի համաձայն՝ Կապալառուն պարտավորվում է սույն պայմանագրով սահմանված կարգով, նախատեսված ծավալներով, ձևով և ժամկետներում կատարել սույն պայմանագրի (Պայմանագիր) թիվ 1 հավելվածով սահմանված ծավալաթերթ-նախահաշվով նախատեսված ՀՀ Գեղարքունիքի մարզպետի աշխատակազմի վարչական շենքի ընթացիկ նորոգման աշխատանքները (Աշխատանք), իսկ Պատվիրատուն պարտավորվում է ընդունել կատարված աշխատանքը և վճարել դրա համար:

Համաձայն պայմանագրի 1.3 կետի՝ Պայմանագրով նախատեսված աշխատանքները սկսվում են պայմանագիրն ուժի մեջ մտնելու օրվանից և աշխատանքների կատարման

վերջնաժամկետ է սահմանվում 30 օրացույցային օր ժամանակահատվածը (հավելված 2):

Պայմանագրով պատվիրատուին վերապահված իրավունքների և պարտականությունների իրացման արդյունքում պարզվել է, որ Կապալառուի կողմից չեն պահպանվել պայմանագրի 6.1 կետով սահմանված պահանջները, այն է՝ Կապալառուն պատասխանատվություն է կրում աշխատանքի որակի և սույն պայմանագրի 1.3 կետով (ներառյալ օրացույցային գրաֆիկը) նախատեսված ժամկետի պահպանման համար:

Հիմք ընդունելով Պայմանագրի 3.1.4 կետի «բ» ենթակետի պահանջը՝ «Կապալառուն խախտել է պայմանագրի 1.3 կետում նախատեսված ժամկետը (ներառյալ օրացույցային գրաֆիկը)» ՀՀ Գեղարքունիքի մարզպետի աշխատակազմը 2024 թվականի հունվարի 18-ին միակողմանի մասնակի լուծում է «Լիդեր Քնսթրաքշն» սահմանափակ պատասխանատվությամբ ընկերության հետ 2023 թվականի սեպտեմբերի 19-ին կնքված N ՀՀ ԳՄ ԳՀԱՇՁԲ-2023/02 ծածկագրով կապալային աշխատանքների կատարման պետական գնման պայմանագիրը չկատարված աշխատանքների մասով:

Տեղեկացնում եմ, որ «Լիդեր Քնսթրաքշն» սահմանափակ պատասխանատվությամբ ընկերությունը պարտավոր է սույն ծանուցումը ստանալուց հետո 5 (հինգ) բանկային օրվա ընթացքում ՀՀ ֆինանսների նախարարության կողմից բացված գանձապետական 900005028106 հաշվեհամարին փոխանցել 38116 (երեսունութ հազար մեկ հարյուր տասնվեց) ՀՀ դրամ՝ որպես տույժ (Պայմանագրի 6.2 կետի համաձայն), տույժը հաշվարկված է մինչև 2024 թվականի հունվարի 17-ը:

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարները:

Միաժամանակ «Գնումների մասին» ՀՀ օրենքի 6-րդ հոդվածի 2-րդ մասի համաձայն՝ սույն հոդվածի 1-ին մասի 6-րդ կետում նշված ցուցակը, այդ թվում՝ ռուսերեն, վարում և հրապարակում է լիազորված մարմինը: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում պատվիրատուի ղեկավարի պատճառաբանված որոշման հիման վրա: Սույն մասում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը հրապարակելու օրվան հաջորդող տասն օրվա ընթացքում: Որոշումը կայացվելուն հաջորդող օրը այն տրամադրվում է լիազորված մարմնին և մասնակցին: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվան հաջորդող հինգ օրվա ընթացքում, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործով եզրափակիչ դատական ակտն ուժի մեջ մտնելու օրվան հաջորդող հինգ օրվա ընթացքում, եթե դատական քննության արդյունքով որոշման կատարման հնարավորությունը չի վերացել: Մասնակիցը նշված ցուցակում ընդգրկվում է ներառվելու օրվան հաջորդող օրվանից երկու տարի ժամկետով:

Հաշվի առնելով վերը նշված իրավակարգավորումները, տեղեկացնում եմ, որ Պայմանագրի լուծման արդյունքում պայմանագրի կատարման ապահովման գումարը կազմում է 378893 (երեք հարյուր յոթանասունուրեք հազար ութ հարյուր ինսուներեք) ՀՀ դրամ, որն անհրաժեշտ է վճարել ՀՀ ֆինանսների նախարարության կողմից բացված գանձապետական 900005000758 հաշվեհամարին, որակավորման ապահովման գումարը կազմում է 568340 (հինգ հարյուր վաթսունուրեք հազար երեք հարյուր քառասուն) ՀՀ դրամ, որն անհրաժեշտ է վճարել ՀՀ ֆինանսների նախարարության կողմից բացված գանձապետական 900008000664 հաշվեհամարին և հաշվարկված տույժի գումարը կազմում է 38116 (երեսունուրեք հազար մեկ հարյուր տասնվեց) ՀՀ դրամ, որն անհրաժեշտ է վճարել ՀՀ ֆինանսների նախարարության կողմից բացված գանձապետական 900005028106 հաշվեհամարին:

